



Uhapšen banjalučki sudija Nebojša Pejović

Sudija Osnovnog suda uhapšen je nakon što je od privrednika uzeo mito od 1.000 KM

Sudija Osnovnog suda u Banjoj Luci Nebojša Pejović uhapšen je jučer zbog sumnje da je počinio krivično djelo primanje dara, saznaje Istraga.ba.

Pejovića su prilikom primopredaje novca, oko 11 sati, uhapsili pripadnici **Državne agencije za istrage i zaštitu (SIPA)**. Akcija je provedena po naredbi Specijalnog tužilaštva RS-a.

Prema informacijama Istrage, Pejović je ucjenjivao jednog poduzetnika iz Banje Luke, tražeći od njega novac za donošenje odluka u određenim predmetima. Pejović je novac, preciznije 1.000 eura, kako javlja Srpskainfo, primio izvan zgrade suda, nakon čega je uhapšen.

Inače, ovaj sudija je 2012. disciplinski kažnjavao zbog kašnjenja prilikom donošenja presuda, a bio je akter i u slučaju Dževada Haznadara, banjalučkog biznismena koji je pokušavao vratiti svoju imovinu otetu početkom devedesetih. Prema pisanju portala Capital.ba, Pejović je bio umiješan i u slučaj Jelšingrad u stečaju, a 2012. CJB Banja Luka podnio je izvještaj banjalučkom Okružnom tužilaštvu protiv četvoro osumnjičenih za zloupotrebu službenog



Uhapšen je na djelu

položaja tešku blizu dva miliona KM, među kojima je bio i sudija Pejović.

Inače, ovo je treće hapšenje sudije u BiH u posljednjih tridesetak dana za primanje mita. Krajem marta **SIPA** je uhapsila Momira Došanovića, predsjednika Privrednog odjeljenja Općinskog suda u Orašju, i Jozu Anđića, sudiju Kantonalnog suda u Odžaku.

Iz **SIPA** je jučer saopćeno da je u akciji Barka uhapšen nosilac pravosudne funkcije u BiH zbog sumnje da je počinio krivično djelo trgovina uticajem.